



RUKOMETNI SAVEZ U TUZLANSKOM KANTONU

Bosne Srebrene bb
75000 Tuzla
ID broj: 4210015380003
PDV broj 210015380003
1543802006169349 Intesa Sanpaolo Banka
Dev.acc (IBAN)BA 39 1543802006169349
SWIFT: UPBKBA 22 Intesa Sanpaolo Banka Sarajevo
Tuzla 15.08 2025

Portal Svijet Rukometa

Predmet - saopćenje za javnost predstavnika kantonalnih saveza u upravnom odboru RS FBiH

Poštovana sportska javnost, mediji ,članovi UO RSBiH i RS FBiH, svi klubovi u muškoj i ženskoj konkurenciji.

Nakon neovlaštenih medijskih istupa sekretara RS FBiH, Kolobarić Ivana, u želji da spriječimo bilo kakve špekulacije i neistine želimo se obratiti sportskoj javnosti. Naime, svjedoci smo da posljednjih mjeseci kulminira problematika koja se na žalost svih sudionika natjecanja u muškoj i ženskoj ligi ne rješava. Smatramo da svakodnevno gube rukometaši i rukometašice, kako na sportskom tako i finansijskom planu, a nažalost klubovi su izloženi iznimno teškoj organizaciji rada i kompleksnoj zadaći stvaranja materijalnih i finansijskih uslova za rad dok je nastup klubova u Evropi pod znakom pitanja.

Ovih dana na dnevnom redu je početak lige u muškoj i ženskoj konkurenciji kako na nivou FBiH tako i nivou Bosne i Hercegovine odnosno neusvajanje Propozicija i Kalendara takmičenja za sezonu 2025/26.

U posljednjim istupima i djelovanju kolega iz RS FBiH, (Trlin Zoran, Pusić Dario, Alpeza Zdenko, Josip Klarić, Ante Rašić) se zamajava javnost i u potpunosti pravi inverzija cjelokupne priče

i mijenjaju uloge. Proteklih dana bili smo svjedoci gdje pojedine kolege umjesto da traže institucionalna rješenja u okviru upravnih tijela RS BiH i RS FBiH, nastavljaju lobirati kod predstavnika klubova iz Kantona Sarajevo, Tuzlanskog kantona, Bosansko-podrinjskog kantona, Zeničko-dobojskog kantona i Hercegovačko-neretvanskog kantona pri čemu težište problema predstavljaju kroz Odluku o neusvajanju Propozicija i Kalendara takmičenja u Prvoj ligi FBiH za muškarce i žene.

*Rukometni savez u Tuzlanskom kantonu, ul Bosne Srebrene bb (JP SKPC „Mejdan“), 75000 Tuzla
ID broj: 4210015380003. Račun: 1543802006169349 Intesa Sanpaolo Banka*

Naša obaveza je odlučno odbaciti takve insinuacije i neistinite tvrdnje koje imaju za cilj stvoriti sliku koja ne odgovara stvarnom stanju te tako obmanuti predstavnike klubova kako u muškoj tako i u ženskoj konkurenciji.

Bosanskohercegovačka javnost mora da zna da je na sceni teška i nepricipijelna zloupotreba Statuta RS FBiH i RS BiH od strane pojedinaca koji su istovremeno članovi Upravnog odbora RS FBiH i RS BiH.

Predstavnici kantonalnih saveza u RS FBiH predlažu i prihvataju sve dokumente koji bi se sveobuhvatno prihvatili i na entitetskom i državnom nivou. Ne postoje nikakvi uslovi niti uslovljavanja bilo koje vrste od strane predstavnika kantonalnih saveza u Upravnom odboru RS FBiH osim da kao i ranijih godina slijedeći uobičajenu praksu usvojimo zajednički tekst Propozicija i Kalendara takmičenja na oba nivoa a sve zbog činjenice da pojedinci bez ijednog valjanog razloga na najperfidniji način blokiraju rad i cjelokupan sistem takmičenja u ovom slučaju ženske Premijer lige. Javnost također treba znati, u cilju najboljeg interesa za ženski rukomet, da su sve opcije i varijante kada je sistem takmičenja u ženskoj konkurenciji aktivne i moguće od strane predstavnika kantonalnih saveza ali nažalost nisu kod drugih pojedinaca koji zbog svojih ličnih animoziteta i narušenog ega ne dozvoljavaju nijedno rješenje osim opstrukcija.

Naša javnost treba da zna postoji zahtjev ŽRK IZVIĐAČ za povratak u Premijer ligu a da se istim mimo njihove volje ne dozvoljava da svoj status grade u Premijer ligi BiH a što je između ostalog jedan od kompleksnih problema i razloga neusvajanja Propozicija i Kalendara takmičenja za narednu sezonu.

Pogrešna i zlonamjerna interpretacija cjelokupnog problema leži u činjenici da se pričom o ženskoj konkurenciji skreće pažnja sa istinskog problema a to je eklatantna zloupotreba Statuta i poslovnika upravnih tijela na svim nivoima te uvođenja modela ucjena u radu gdje ćemo u budućnosti na dnevnom redu imati omladinske selekcije, muški rukomet, reprezentativne selekcije ili bilo koji drugi problem koji će se rješavati metodama ucjena i zloupotreba. Prethodne sezone, koristeći iste metode, pojedinci iz Upravnog odbora RS BiH su bez ijednog argumenta činom osвете obustavili završnicu KUP takmičenja za žene čime su direktno i svjesno zloupotrijebili funkciju koju obnašaju.

Ovim putem koristimo priliku da pozovemo bivše rukometaše i rukometašice, sportske radnike iz klubova koji su delegirali kolege u RS FBiH i RS BiH da snagom razuma i sportskih autoriteta utiču na manipulacije i očigledne zloupotrebe njihovih predstavnika koje će u konačnici prouzrokovati štetu za cjelokupan rukomet u BiH. Naši klubovi, naši rukometaši i rukometašice zaslužuju da se razvijaju i sportski usavršavaju.

Uvažavajući i poštujući razlike u stavovima i pogledu na rukometnu budućnost u Bosni i Hercegovini želimo apelirati na sve aktere da ipak smognemo snage i razuma te zajednički uđemo u fazu deblokiranja procesa na svim nivoima.

Naš stav i ujedno prijedlog svim članovima UO RS BiH jeste sljedeći:

-da se istovremeno i u hitnom postupku usvoje Propozicije Premijer lige za muškarce i žene, Propozicije Prve lige FBiH za muškarce i žene za sezonu 2025/26

-u cilju i najboljem interesu ženskog rukometa iznaći zajedničko rješenje i donijeti odluku o

*Rukometni savez u Tuzlanskom kantonu, ul Bosne Srebrene bb (JP SKPC „Mejdan“), 75000 Tuzla
ID broj: 4210015380003. Račun: 1543802006169349 Intesa Sanpaolo Banka*

statusu klubova koji su u prethodnoj sezoni izgubili status premijerligaških klubova

-Ukoliko Premijer liga za žene u sezoni 2025/26 u konačnici brojala 6 klubova, usvojiti Propozicije i Kalendar takmičenja po prijedlogu komesara takmičenja, Upravnog odbora RS BiH, odnosno klubova takmičara.

Rok za dostavu forme prijedloga Propozicija Premijer lige BiH za žene je najkasnije 72 sata nakon objavljenog poziva od strane Upravnog odbora RS BiH.

U potpisu

Senad Suljaković -predsjednik RS FBiH-RS ZDK

Vejsil Beširović-RS USK

Muhamed Mušanović-RS KS

Haris Fidahić -RS BPK

Adnan Muhtarevic -RS TK

Tuzla 16.09. 2025.

predstavnik RS TK u RSFBiH

Adnan Muhtarević